

Broj: 10-02-8-9522/23
Sarajevo, 19.12.2023. godine

**OBVEZNICIMA PODNOŠENJA IZVJEŠTAJA O FUNKCIONISANJU
SISTEMA FINANSIJSKOG UPRAVLJANJA I KONTROLE U
JAVNOM SEKTORU U FEDERACIJI BIH**

PREDMET: Poziv za dostavljanje izvještaja o funkcionisanju sistema finansijskog upravljanja i kontrole za 2023. godinu, dostavlja se -

Poštovani,

Zakonom o finansijskom upravljanju i kontroli u javnom sektoru u Federaciji Bosne i Hercegovine („Službene novine Federacije BiH“ broj 38/16), u daljem tekstu: Zakon o FUK, utvrđeni su obveznici podnošenja Godišnjeg izvještaja o funkcionisanju sistema finansijskog upravljanja i kontrole (u daljem tekstu: GI FUK) i Konsolidovanog izvještaja o funkcionisanju sistema finansijskog upravljanja i kontrole (u daljem tekstu: KI FUK).

Pravilnikom o provođenju finansijskog upravljanja i kontrole u javnom sektoru u Federaciji Bosne i Hercegovine („Službene novine Federacije BiH“ br. 6/17 i 3/19), u daljem tekstu: Pravilnik o FUK, precizirani su način izvještavanja, rokovi i obrasci GI FUK i KI FUK (prilozi 1 i 2).

1. Godišnji izvještaj o funkcionisanju sistema finansijskog upravljanja i kontrole – GI FUK

GI FUK predstavlja izvještaj korisnika javnih sredstava iz člana 14. stav (1) Zakona o FUK o stanju sistema FUK za prethodnu godinu koji se podnosi na propisanom obrascu (Prilog 1 Pravilnika o FUK), a sadrži opće podatke o organizaciji i popunjen upitnik za samoprocjenu sistema FUK.

Korisnici iz člana 14. stav (1) Zakona o FUK u obavezi su izraditi GI FUK za 2023. godinu i isti dostaviti na sljedeći način:

- a) **federalni korisnici javnih sredstava prvog nivoa** GI FUK dostavljaju Centralnoj harmonizacijskoj jedinici Federalnog ministarstva finansija/finansija (u daljem tekstu: CHJ FMF) do 28. februara 2024. godine;
- b) **kantonalni korisnici javnih sredstava prvog nivoa i jedinice lokalne samouprave sa statusom grada** GI FUK dostavljaju nadležnom kantonalnom ministarstvu finansija do 28. februara 2024. godine;
- c) **federalne vanbudžetske organizacije** GI FUK dostavljaju CHJ FMF do 28. februara 2024. godine;
- d) **kantonalne vanbudžetske organizacije** GI FUK dostavljaju nadležnom kantonalnom ministarstvu finansija do 28. februara 2024. godine;
- e) **pravna lica u kojima Federacija ima većinski vlasnički udio** dostavljaju do 31. januara 2024. godine resornom federalnom ministarstvu svoj GI FUK za 2023. godinu koji postaje sastavni dio GI FUK resornog federalnog

ministarstva, a koji resorno federalno ministarstvo podnosi na način utvrđen tačkom a) ovog člana;

- f) **pravna lica u kojima kanton ima većinski vlasnički udio** dostavljaju do 31. januara 2024. godine resornom kantonalnom ministarstvu svoj GI FUK za 2023. godinu, koji postaje sastavni dio GI FUK resornog kantonalnog ministarstva, a koji resorno kantonalno ministarstvo podnosi na način utvrđen tačkom b) ovog člana.

2. Konsolidovani izvještaj o funkcionisanju sistema finansijskog upravljanja i kontrole kantona – KI FUK za kanton

Kantonalna ministarstva finansija godišnje podatke o funkcionisanju sistema FUK za svoja ministarstva dostavit će u sklopu Konsolidovanog izvještaja o funkcionisanju sistema (KI FUK) za kanton, koji predstavlja objedinjeni izvještaj o funkcionisanju sistema FUK na nivou kantona i sadrži najznačajnije informacije iz oblasti FUK u javnom sektoru u kantonu u prethodnoj godini.

Kantonalno ministarstvo finansija konsoliduje godišnje izvještaje o funkcionisanju sistema FUK za kanton za 2023. godinu na propisanom obrascu (Prilog 2 Pravilnika o FUK) i dostavlja CHJ FMF do 31. marta 2024.godine.

Na osnovu dostavljenih podataka, **CHJ FMF izradit će Godišnji konsolidovani izvještaj o funkcionisanju sistema FUK u javnom sektoru u Federaciji za 2023. godinu** i putem federalnog ministra financija-finansija isti dostaviti Vladi Federacije BiH na razmatranje i usvajanje.

GI FUK i KI FUK potrebno je popuniti na propisanim obrascima koji se nalaze u prilogu Pravilnika o FUK (Prilog 1. i Prilog 2.), koji se mogu preuzeti u elektronskoj formi na web stranici Federalnog ministarstva finansija-financija www.fmf.gov.ba (rubrika CHJ / Finansijsko upravljanje i kontrola / Izvještavanje o finansijskom upravljanju i kontroli - Obrazac GI-FUK, Obrazac KI-FUK).

Obveznici iz tač. b), d), e) i f) popunjene i potpisane izvještaje GI FUK za 2023. godinu dostavljaju nadležnom ministarstvu.

Obveznici iz tač. a), c) i kantonalna ministarstva finansija popunjene i potpisane izvještaje za 2023. godinu dostavljaju Federalnom ministarstvu financija-finansija, Centralna harmonizacijska jedinica, ul. Mehmeda Spahe broj 5, 71 000 Sarajevo.

NAPOMENA:

Nakon izrade godišnjeg izvještaja GI FUK za 2023. godinu, korisnici su dužni isti unijeti u Aplikaciju PIFC, www.pifc.fmf.gov.ba (Modul FUK-Izvještaj samoprocjene) u skladu sa korisničkim uputstvom, koristeći se prethodno dodijeljenim pristupnim podacima.

S poštovanjem,

Dostavljeno:

- Naslovu
- a/a

MINISTAR
Toni Kraljević